



14456

III

Mon. Si. 24

P


vane. Jos.

*Cygnus Pauli Ant. Amplitudo honoris
avitae inserta faciae.*

PANEG. et VITAE

Polon. Fol.

№ 501.



20
AMPLITVDO
HONORIS
AVITÆ INSERTA FASCIÆ
sub auspiciatissimum ingresum
ad Præmonstratensis dignitatis Fastigium
ILLVSTRISSIMI & REVERENDISSIMI DOMINI
D. FRANCISCI
JOSEPHI

à Kraszkowice

KRASZKOWSKI

Sacræ Theologiæ Doctōris

ABBATIS

COMMENDATarii VITOVIIENSIS.

Almæ Ecclesiæ Metropolitanæ Gne-
sneſi Cathedralis Canonici, Insignis Collegiatæ Calif-
siensis Decani, Præpositi Rotolanensis, &c.
*gestiente tota D. Norberti Familia
omnium plaudente voto & studio*

à

M. PAVLO ANTONIO CYBVLSKI

*Philosophiæ in Celeberrima Universitate Cracoviensi Doctore, & pro-
tunc in LVBANSKIANOPOSNANIENSI Academia Grammatices Professore
inter gratulatorios plausus*

Stylô Oratoriô

A D O R A T A.

Annô, quô DEUS Fascijs humanitatis involutus, Orbem gratija
ampliavit 1704. die 21 Mense Augus

Posnaniæ Typis Academicis.



82.

C

In Avitum Stemma
ILLVSTRISSIMÆ DOMVS
KRASZKOVIANÆ



*Hoc summum præ alijs tenet ingens FASCIA donum
Partum continuâ dexteritate sui.
Quod pereunt alibi tituli summiq; decores,
Nascentes titulos FASCIA semper habet.*

AMPLITVDO HONORIS AVITÆ FASCIÆ INSERTA.



Ebebatur Tuorum coronæ me-
ritorum, ingentis Fortunæ donarium, de-
bebatur ut volucrem fatorum rotam in-
tra Tuæ FASCIÆ videres ambitum. AB-
BAS Illustrissime. Ne Orbis Tibi gentilitius undiq;
gemmeo conspicuus limite, & magnæ semper capax
fortunæ pleno meritû sinu etiam Honorum spolia-
retur complementô. Grande est inquam os FASCIÆ,
majus Tuorum meritum, cujus anhelitum, sola ti-
tulum possunt faciare decora. Hoc in nexu capti-
vus honor, in hoc nodo fortuna stabilis, & veluti
obligata virtutibus esse debet. Quanquam Tu ipse
Tibi effingis virtutibus fortunam, honores meritû,
inq; Tua FASCIA recenset & rotam, & vela Deæ
instabilis. Cæci sunt illi, qui cæco innixi Numini, for-
tis non virtutis rapti ventô, illius vestigijs, non meri-
torum gressibus insistentes, adeunt fastigia, tangunt
culmina, ô breve in honore delectamentum! mox
rapiente è summo, adversâ manu, in fundum deje-
cti, ægrè & cum pudore tollunt oculos, tam invisi
quàm invidentes honoribus. Spectavimus monstra illa
post purpuras nuda, post sceptrâ sub imperio, post
summi splendoris ardorem, in squallore. Hoc est sibi
non fabricasse fortunam, hoc ad fortis impulsus ire.

B

Tu

Tu Arbiter Honoris Tui, jam terminis Paternæ Teniæ complexus honorem, sic in hoc gradu stetisti, ut altioribus immineas. Non times sortem, quam exclusisti è consortio virtutum. Lege nunc omnium gaudia, lege Coetus candidissimi plausus & admirationem, & Ipsius Norberti quandam collige vultus amœnitatem, ex hoc Tui incremento gestientia. Quisq; Te expectabat cum desiderio ingressurum, incusabantur tardi dies, segnes noctium cursus, menses videbantur anni, anni ferè seculis constabant. adeò apud amantes velocia tempora tardantur! Jam Te in Vitoviensis Abbatiz ingredientem pomæria, etiam Oratorum sequuntur linguæ, miscentur aliorum lætitiæ, & plausus tot gestientium augent incrementa. Mereris ut desudent in Te exaggerando ingenia, & linguæ ne fileant, inter vocalem de meritis Tuis famam. Cum verò amplissimæ dignitatis capeffas fræna, in hoc Tui augmento assurget etiam pagnegryris satis sublimis, si vel primi Tui vestigij obfideat stationem, vel umbræ Tuæ comprehendat radios. Dicam jam, quod omnium consensus, & de Te magna conclusit multorum conscientia: nempe; quòd FASCIÆ Tuæ terminis definivisti Amplitudinē Honoris, multumq; adhuc superesse in illa spatij, per quod ad Te decurrant tituli, & anhelet magnitudo.

Dabis tamen veniam, si tanta audens in amplitudinis decursu, non amplas in orbe FASCIÆ, non digna Orbe profudero. Hoc etiam censebis in laude Tua, quòd Oratorium dicendi genus excesseris, in qua injuria virtutum, etiam amplitudinem Tuam, non e-logiò superatam, non amplificatione exaggeratam dum conspicias, rectè beneq; concludes Te majora gessisse; quàm dici possunt.

Ampli-

A Mplitudo Nominis Tui illustrium Cerarum venerando ordine, augeri prius debet, antequam ad memoranda opera Tua feremur, ne extemplò in lucem gloriæ irruendo, prætereamus insalutatas Majorum Tuorum umbras. Crevisti licet propriæ ministeriò virtutis, tamen, ut Posterì sui lætitiâ, etiam ipsi laureati Cineres gestire videantur, huc magnitudine sua grandes, virtute insignes, operibûs clari immortalibûs inferentur. Illi illi, quos nulla deterruit vis à Patriæ defendenda salute, à prospicienda integritate communi, à libertate propaganda, ab his deniq; Aris Tibi nunc familiaribus, diligendis. Debet dimanare in Majores defunctos, felicitas Posterorum, quibus scilicet debent originem, debeant & gloriam. Fontium laudibus laborant amnes, arborum fecunditas radicibus tribuitur, ad caput, omnium membrorum recurrit indoles. Quantum laboris antiquorum curiosæ indagationi, Nili ignotum caput imposuit, cum quisq; fecundissimi alveû spectaret amnis, fontem nesciret, hauriret aquam, cui terræ sua debebat commoda, ignoraret: unde in aquarum procellas exundaret ubertas, unde magnitudo prodiret aquarum, ipse Alexander sanguine orbis magis quàm purpurâ pictus, eò victorijs pertingere voluit, ubi salutaris Ægypto conderetur scaturigo; ut ex cunabulis, Nobilitatem fluvij illo Duce, tandem dubius Orbis æstimaret. Quotus enim est? qui non reijcit in Orientem solem radios? dicturus in diem auguria, quis non in frontem oculos? hominem totum scrutaturus, quis arborem crescentem in ævum deprehensurus? non tentat radicem. Humanum est excutere principia, à suo ævo in superioris intrare fidem, suam ætatem, immiscere temporibus Herculis, inferre calamitati Trojae.

Troianæ, militare cum Alexandro, pugnare cum To-
myri, consulere cum Patribus, celebrare in campo
Martis Comitia, tentare plebem, suffragia exigere,
& permenfis seculorum laboribûs, tandem suam æta-
tatem vivere. At hæc communis curiositatis sunt do-
cumenta. Vidimus illam toties privatæ insudare glo-
riæ, impalescere cineribus, hære Regnorum rude-
ribus, Provinciarum erudendis cadaveribus studere,
an aliquid nobiles ruinæ, obsoleta nomina, aptô men-
daciô, in antiquitatis recessu ad Familiæ erigendum
stemma servarent. Movit Messalam Corvinum Octa-
vij divina expositulatio, ut immistus Troiano incen-
dio Iulum Æneæ Filium, Caput inclytæ posteritati Au-
gustæ imponeret. Alius rem aggressus est carmine,
alius memoriam devicturus, fecunditatem, Familiæ
latissimæ appinxit arbori: vel suæ industriæ, vel alie-
næ gloriæ trophæum, nobile satis, cui nomina Hero-
um aptabantur, erecturus. Nihil nobilius hoc labore
accidere potest humano generi, quô & natorum ex-
citantur ingenia ad Majorum gloriam, & quisq; habet
ob oculos vetustatem adorandam generis, à qua quid
sperandum ipsi sit, è Proavorum Operibus spem su-
am acuerè poterit. Illi enim emicante, inter vetustû
squallorem, radio, Natorum accendunt aduruntq; pe-
ctora, quo sæpius correpti ardore, domestica lumina,
inter Rerumpublicarum Regnorumq; fortunam, ma-
gno conatu perquirunt, certaturi cum Atavis; quod &
illi censiti inter Gentilitia Decora, sunt aliquando po-
steritatis suæ Majores appellandi. Quot boni superi!
à defluentibus Ceris non defluxere, imò pertinaci ad-
hærentes latere, contendere gressibus, jam segnes præ-
vertere imagines, & si non ordine, Majestate tamen
Nominis, Priorum antecederent famam & admiratio-
nem.

nem. Extulit se supra Philippum Alexander, supra
Julios Cæsar; & magnus Pompeius supra minores
Pompejos; qui cum ultra crescere non potuisset, ma-
gnitudinis suæ terminos, intra totam Ægyptum ab-
scondit, mortalitatis & ipsâ umbrâ maximus, quod
rotô Regnô uteretur sepulchrô.

Et jam se pandunt diva Majorum atria, augustæ
facies, Cæræ perennes, imagines; quas Bruti aut Sci-
piones inviderent, nec puderet domum Cornelia m-
illas efferre in pompam triumphorum, vel gaudia fa-
miliz. Quæ vetustas, quæ tempora notantur in fron-
tibus, colliguntur ex cineribus. Fides, in illa cæca
Poloniarum nocte, invenit illustres, sua tantum desi-
derabantur lumina; quibûs illi abundè derivatis infan-
tem domi suæ fidem in FASCIAM reposcere, cum
hac creverunt, maturaverunt, & hucusq; perennant.
Innocentibus undis sanguis Heroum immistus, pro
integritate larium, Templorumq; divinitate fusus, hac
toties Boleslao Crivousto, Alcide Polonia, militum
suorum Æsculapio, exhaustus est vittâ. Parum jam
est Alexandrum rigentes frigoribûs milites Regali ful-
cire corpore, in sinu fovere, in solio reponere; ma-
jus est prætentare vulnera, detergere tabum, obliga-
re cicatricem. Quæ Regiæ pietatis prodigia! ne pro
se susceptas mortes, graviter pateretur miles, Rega-
lem curam, & Majestatis radios immiscuit doloribus,
præsens laborantibus Numen, certa tutela & præ-
mium. Quem ille dolor non solabatur, Principem
ad gemitus cum videret accurrentem, quis sangui-
nem promptus non fundebat, modò purpuram Re-
galem testem sui cruoris haberet. Tuos ille Majo-
res, suorum triumphorum Comites, pro victoria
depugnantes, ubi strage hostium facta, etiam ipsi

C

adver-

adverso corpore gloriosa exceperint vulnera, hac *FASCIAM*, quam ab illis victorijs Gentilitiū Insigne præfers, Regali manu, obligabat. Plena est cruoris intra *FASCIAM* purpurata area, *KRASZKOVIANÆ* virtutis heroicæ documentum, in illo puniceo Campo, Martiales referuntur arenæ, perq; spatia sanguine inundata, effusum barbarorum spectatur tabum. Sic aperto in campo exercitata militaris virtus, monumentum Regnorum, securitatemq; Rerumpublicarū Arces inquam in *JOANNIS KRASZKOWSKI* deposuit tutelam; in quibus non sine commendatione, pro Nominis sui desudabat gloria. Hic circumscriptus mœnibus latius terrorem ferendo quàm ambitum, exterorum oculos & animos, non fiducia munitionis, sed suæ fortitudinis conscientia fatigabat. Strues enim sunt lapidum, non arces, propugnacula dexterrimi Rectoris non commissa patrocinio, sæpè illa audacia, perfidia, & ipsi invadunt *Afelli*, si quod fulmen non è tormento, sed ab arca proruperit. Vidimus ab his dolis prostrata mania excisas Vibes, & ipsi Capitolio formidabile pendere fatum. Vidimus etiam difficilem Annibali Sagunti expugnationem, fatalem Miltiadi Samum, obtigisse, pro mœnibus operibusq; cum dexteritas Heroum, fides Præsidum, fortitudo excubiarum, decertaret. Aureum Heroa *NICOLAVM*, Epaminondam Poloniæ *MATTHIAM KRASZKOVIOS* prætereo, ah quos viros? quæ Nomina! si Romanæ illi vixissent fortunæ, nec fatorum arbitrio reservarentur in suæ Patriæ, commoda, quas adores, quæ præmia triumphorum recepissent? Illud jam suæ Heroicæ virtutis solatium in Te *ABBAS* Illustrissime suspiciunt, gaudentq; quod in Te Postero sua rependantur pericula, hisq;

la, hisq; laboribûs, quòd inter magna Tuâ opera censitûs amplior in Honoris feraris fastigia.

Stant altera à parte Maternæ Domûs cum dote illati triumpho, Curules, Nomina Scipionum *DORUCHOVII* inquam à *WIERZBIETIS*, in Annalium operibus, celeberrimis, derivati, à Divûm semine & trabeata antiqui Senatûs propagine. Laureati cum bella gessere, purpurati, cum in pacis otio Rempubli- cam tractarent, apparebant. Palatinas Cracovienses, Castellanas Posnanienses, Curules, Majoris Poloniæ suprema *Astreæ* Capita, Generales, gladiû lancemq; ad scelerum terrorem, & tutelam virtutum strinxerunt. Quàm decumana honorum pondera! quanta supremi decoris ornamenta! Non hîc referre Referendarium Regni, *IACOBVM DORUCHOVIVM* magnæ injuriæ esset, ad Cujus manus, tanquam ad Asyllum miserorum querimoniæ fugiebant, supplices sternebantur libelli, tanquam ad suæ sortis Patronum & Nomen tutelare. Digna illa sunt voluminibûs in miseros testimonia; nullus rejectus superciliò, nullus remotus & à limine, & à spe, excubiarum armis; ibant apertis januis ad manus apertas pectusq; refferatum, alij, calamitatum impulsu veloci necessitate, alij, ab injuria, fortunæ alîs spoliati. Querelas aut desideria sua promovebant, non solùm patienter audiente illo, sed interdum manu & vultu ipso, si quos fortè insolitus ille splendor percusserat, ut auderent, invitante, ut exhausta cum lacrymis benè querentis ratione, urgentius ad Regis aures & manus promoveret indigentiam. Nactus est tam pius in humanas necessitates Referendarius Regem, qui neminem à se dimitteret tristem, neminem, in quo se *Vladislaum* non probaret liberalem. Promovere vo-

ta mi-

ta miserorum, acclamationes è luctu in solatia trans-
eunt, Referendarij pietatem, ut Ille hîc Archidia-
conus, ibi Scholasticus, ubiq; Prælatus audiretur.
Funditur & à trabea SZYSZKOWIANA gentilitius
in Te Jllustrissime Prælate fulgor, magnum gloriæ
Tuæ incrementum, illam Insulam intra domestica,
computare decora, quam virtus intexuit, pietas ere-
xit, liberalitas etiam in posthuma munificentia, vel
Tibi notissima, laudabilis, ditavit. Senatorius in hac
gente populus & trabeati Patres, quidquid magni-
tudine grande, operibûs magnificum, virtutibûs sū-
mum effecerunt, in Tuam refundunt Magnitudinem,
nihil de illa timentes, ubi Tu Amplissimus evaseris.
Pandunt se vetustæ propaginis, & contermini iorijs
Poloniæ ZAREMBII, antequam exotica nomina li-
bertatis non suppressisset æqualitas, Comites; Magni;
animi & operum fulcrô, Herodês; profligata Pomerania;
Ducibûs sexcentis, quod nec Roma vidit, captis;
Pontifices, Vratislaviensi, Cracoviensi, Posnaniensiq;
insigniti Insulâ, pij, laureâ & palmis martyrij: Sena-
tores, Palatina Syradiensi, Castellana Calissiensî, Curu-
li, Iudices, & quod summum, Generales Majoris Po-
loniæ, è Domo una tanquam de tota Polonia, tot ef-
fusa honorum fastigia necdum adhuc bene exagge-
rata, omnes honorum occupantia vias, hanc pompâ
illa sola implerent, nisi omnes contenderent famu-
lari virtutibus. Premunt triumphale honoris iter A-
vitâ Soleâ contermini sanguine ZAPOLSCII, Domus
si quæ alia adeò Petræ infixâ Petri, ut nunquam ab il-
la aberraverit, clarum, in gente etiam in his libera, e-
xemplum. Et ne quid non magnificum occurrat, tra-
beam Vielunensem & victricia Moscorum signa sub
VLADISLAO IV. victrici manu capta huc profe-
runt.

runt. tanquam & ipsi triumphaturi, in KRASZKOVIANÆ gloriæ incremento. Ex alto quia jam didicit prospicere Oratio, dignam vellere, & cælo toties illatam, terris tamen, tanquam ancille in tutelam, concessam Navem Czarniecciam prospicit, fortunam vehentem Domui amplissimæ, & jam onerariam honoribûs, totiesq; trophæis illustrem, ut illa una classem faceret Poloniæ. Favet illa fortunæ spiramentô in FASCIÆ sinum profusô, & se ad fortunatas honorum Insulas offerret in navigium, ni pennatæ virtutes, desideria & spem Navis felicissimæ, occupassent. In angustum augustas Familias contraham ne præcludam secuturis virtutibus viam. BRZECHWARVM, WALEWSCIORVM, TYMIENIECCIORVM, DOMIECHOWSCIORVM, MIAKOWSCIORVM. TOMICCIORVM, BELECCIORVM. &c. &c. &c, digna pleniori majestate & latiori stylô Nomina, hîc tantum adorata non exaggerata sunt. Multum adijcitur vel ex ipsa obvia Vestrûm facie, pompæ huic, ornamentis, quid si exundante, verô tamen adoraremini elogiô! Per summa Capita ire placuit ABBAS Illustrissime ut Tu citius videreris vel ipsi desiderabilis Orationi, cum adeò præcipiî stylô & cursu ad Te decurrat, ne forsan per purpurata obstacula, quamquam Tua, longius deducta Te veluti omisisse videatur. Ibis ergo posteritatis Tuæ exemplum, & quondam grande futuris ornamentum, Tuîs jam fultus decoribûs, Tuîs sublimis virtutibûs.

In tam magna Natalium profusus sorte, undiq; suspiciens domestica decora, quæ sufficere poterant, non adscitis aliis, ad bonam excitandam Indolem, advertisti animum ad studia. Primas sapientiæ lineas in Regali duxisti Lycæo, tanquam jam ad magna

D

prælu-

præludentibûs fatîs destinareris, ibi haustâ literarum culturâ, ubi non nisi Reges solent decurrere. Ibi Tu insudare litteris, incumbere in studia, evolvere volumina, & nihil de die solido demere, quod non esset ad incrementa sapientiæ. Cum alijs volupe erat otio traducere ætatem & sumptus, perdere oleum & operam, deterere ingenium luxu, voluptatibûs, Tu procul remotis adolescentiæ vitîs erigebas Te, iam in ipso tyrocinio, grande aliquid & insolitum spirans. Sic in tenero flore fructuum spes colligitur, in recenti radice surrecturæ arboris præfinitur magnitudo, & è basi columnæ metitur proceritas. Ut aliquis jecit fundamenta in juventute virtuti, ea nititur adultus mole. Rarus qui cum Themistocle adolescentiæ ignominiam magnis emandavit virtutibûs. Gloriosius est adolescentiam inter adversa ducere, quàm delicata vel otij vel voluptatum lenocinia, dare litteris operam, non sopori, ludo literario, non crepundijs, pulveri scholastico, non inanium palæstrarum arenis. Nemo hîs magnitudinem assecutus est, post breve inanis lætitiæ curriculum, ad longæ calamitatis descendit ambages & nexus. Mersa est nimium audax in futuram sortem adolescentia, ubi absq; cortice natandum fuerat. Odit cæca licet fortuna socordes animas, nulloq; colludere cum illis novit bono, qui toti profusi à pueris in lusus, nihil prorsus curavere, nisi dies excutere extrudereq; inanî ludicrorum amœnitate. Gratulor illis Tuis annis, hanc providentiæ felicitatem, quòd laborarent, jam pro magnitudine, cum vix ferrent corpora, prospicerent radios suæ forti, cum vix diem usurparernt. Inde in Tuos mores promanavit constans virtutum amor, inviolatus candor, & probata pietas, inde ille consiliorum solidus

duſ ordo, pondera orationum, & majeſtatis adoranda veneratio. Poſuiſti lineas in illa ætate, iam nunc omnium cultiſſimam videmus imaginem, jeciſti fundamenta, nunc jam præſentas in Te ſedem virtutis & domicilium immortalium operum, ut non tam colorem duxiſſe omnium bonorum videaris, quam univerſa decora, ornamentaq; matura dexteritate, ponderoſa virtute, conſumâſſe.

Spem hætenùs Tuam numeravi, nunc ad fructus adverto animum. Jam pene omnes Muſas complexus animò, omneſq; ſcientias permenſus, excitaſti ad Laureas matura tempora, ut nitens Domus Avitâ FASCIA, Apollineâ conſecrares laurò, & heroico inſigni, Doctorum ſtemma ſociareſ. Non extraneos inquieto pede metiebaris ſoles, non aliena ſubintraviſti Lycæa, procul à Poloniæ oculis & conſcientia ſertum capeſſurus, ſed Regalem Patriæ Tuæ Academi-
am, & Septemtrionis Decus, hòc Tuò experimentò ſcientiarum, decoraſti. Quò nempe factò Tuò cenſuiſti; ne ad gentiles nati honores Poloni exoticas quarant Athenas, & alienam adorent Minervam, de ſuo Jove partam cùm habeant in Patria. Recordariſ credo illum diem quò inauthorabaris magnus Theologiæ Doctòr, quàm omnia ſubſellia ſubintravit lætiti-
a, omneſ ordines pervagata eſt amænitas, cum Tu altior alijs, divina exordireris explicare arcana, urge-
re, promovere, & toto ore fundere, quod Cælum diutiùs invidit mortalibus. Illo Tu annulo omne Tibi deſponſaſti Cælum, omneſ obharaſti honoreſ, & ſapientiam devoviſti; illo inquàm libro, quò Tu Major eras, omnium Literatorum obſtrinxuiſti ani-
moſ, evocaſti calamoſ, & ferè indicaſti Te aliquan-
do immortalium operum ſerie evicturum, ut de Te
D2 aliquan-

aliquando volumina conscribantur. Quæcunq; illa
divinæ scientiæ alto pectore recondisti arcana, ne
premeres intra Tui pomæria, è Rostris sacratoribus
promulgabas. Quot fundebas verba, tot oracula lo-
qui videbaris, quot sensus proferebas, tot admirati-
onis magniq; stuporis intulisti audientibus prodigia.
Attollebat dictionem gravitas, gravitatem scientia,
scientiam cælestis illa Theologia, quam Tu intimi-
orî animô complexus, hominum devincebas & pe-
ne triumphabas animos. Tenes hucusq; perennan-
tem Sapientiæ Tuæ conscientiam mortalium, Te lo-
cutum semper Theologicè, quod Gregorio Maxi-
mo familiare fuerat. Ferunt Mercurium divinæ e-
loquentiæ adeò valuisse exercitiô, ut hominum au-
res, pectora, quid dico hominum? Regnorum quoq;
traxisset, quod ut magis expressisset nimis sua at-
tollens antiquitas, catenas de ore Numinis profudit,
quibûs cum stupore Imperia traheret. Boni superi!
an non Tu talis apparuisti, cum in primæva Regni
Poloniæ Sede & nido, captivando in Tuæ vim ora-
tionis Auditores, eò traduceres, quò tantum voluisti:
Svadebas Cælum, cupiebant Cælum, jussisti conte-
mnere mortalia, prorsus contemnebant, svasisti in-
vitia odium, eodem omnes odiô crimina sectabantur,
injecisti boni desideria, nullus erat, qui non deside-
raret, quod Tu injunxisti desiderandum. O pij labo-
res! ô desudatæ bene curæ! ô cogitationes gloriosæ!
Exceperunt digna cedrô facinora honorum orna-
menta. Dignis enim honor debetur, & illo erigi de-
bent illoq; clarescere. Nempè iam gloria virtutis pe-
dissequa non esset, si eximiam suo decore sponte non
sequeretur. Et licet ipsa virtus pretium sibi, solaq;
latè nitet secunda fortunæ, nihil tamen convenientius
est,

est, quàm ut hunc honores ambient, quem commendat virtutum amplitudo. Nulla enim voluptas humana videtur accedere propius ad Divinam, quàm ea declaratio quæ ex honoribus percipitur. Quid ad ampliora erigit hominem! honor; quid stimulos addit ad ardua perficienda? honor; quid deniq; nos cælo coronat? honor. Jacerent profectò humana, si fastigiis non attollerentur, omnes naturæ stimulis agimur ad præmia, impellimur ad summa, & nemo est, qui non cuperet eminere. Sed quid ego hæc sollicitè accumulo? peractum est in Te **PRÆLATE** Amplissime, ut jam nihil dubitemus de virtutum præmio; postquam Tu operibus amplissimis ad Honorum illatus es fastigia. Gnesnensis Archicathedræ subfellio illatus, auxisti candorem Liliorum **FASCIÆ** nivibus, & ferè hic Nodus pertinebat ad legendos ambiendosq; Regios Flores, at magis Tui mores eo candore conspicui, ut inter lilia liliati viderentur. Nihil unquam pulchrius est, quàm contermina mens honoribus, consonæ dotes, & par Majestas dignitati. Omnia Tu comprehendisti animò, & videris contendere cum honoribus decore, cum dignitatibus dignitate, cum maiestate, celsitudine animi & pretiò. In Te recubuit omnium æstimatio, amor, veneratio, & illa vis consiliorum, quâ non tantum præsentibus occurrere, sed & futuris providere tempestivè nòsti. Quanta hæc ornamenta dignitatû! Te felices (crede) evasere honores, non Tu honoribus. Multum ille in scientiam peccat, cui adeò placent decora, ut in illis summam reponat felicitatis, honorum est honorû illa, cum bonis occupantur, dignis premuntur, & à doctis administrantur. Nec Tu uno assultu honorum impetitus es, collecta manu Califices,

enses, Vielunenſes tituli accubuerunt Tibi, fortunam ſuam reputantes, ſi non reſpueres inſinuatos. Illa Tuam *FASCIAM* Rotolanenſis Præpoſituræ expugnavit cura, ut ambitu gentilitio ſuam non excluderes fortunam. Ingens eſt animi Tui fortitudo, tam altè de honoribus cenſere, ſtatueretq; qui imbelles multorum animos turpiter proſternunt: ut non vereantur candidati, prehèſando Patronos exuere & frontem, & ſæpe conſcientiam. Quòd ſi hîc altiùs mentem Tuam ſubintrare liceret, & illud animi ſupercilium videre contigeret, Dij boni! quanta ſeges ab illo interno bono nasceretur Oratori, quanti proventus ab illo pretioſo altioris genij theſauro exundarèt. Licuit tamen investigare cenſuram illam, cum Tu nimium ambientem Te honorem etiam Infulis conſpicuum proſcriberes & ferè contemneres. Bene ageretur cum mortalibus, ſi tam arduè tractarentur honores, illiq; potiùs expectarent cupidè, non expectarentur ab ambitioſis fervidè.

Capiunt me Tua in honoribus geſta factaq; pulchrum per illa ferri, quibùs Tu poſteritatem famàq; obligasti. Et primum eſt robur humani generis, cætuumq; unicum decus ac propugnaculum, firma conſiliorum ratio, quâ Tu ſemper excellere viſus, multorum Capita Tui ſenſûs innexuiſti arbitrijs. Delphos aut Pythiam ambagibùs laborantes reſceſſus, multi timidis votis, grefſu inſtabili, mente dubia, concutiunt, & toties Nyſa Bacchum avertere contendentes, Numina ſolicitant in ſui deſiderij ſententiam, ignari, plus valuiſſe ſeveram trutinam conſiliorum, quàm inexplicabilia tantùm ſancita. Felix nimium, cui hoc bonum inſevit natura, felicior, qui arte Magiſtra auxit prudentiam, feliciffimus, qui natâ & avi-

& avitam felicitatem suam ad fortunæ ictus dirigere, ad impetus opponere, ad omnia novit applicare. Laudent hoc nomine Vlysses veteres, Themistoclem Athenæ, Catonem Roma; ostendisti Tu tot documentis prudentiæ Tux, in qua famæ classe reponi debeas, qui licet non tam amplam nactus es Provinciam, demonstraſti tamen quid faceres in ampliori, quam factorum optimo consilio nunc capeſſis. Quæ ardua explanaſti, quæ difficilia reſolvisti, quæ deniq; instantia præſentî animo expediviſti, ut omnium admirationem evocares, Te non ſolum futuris bene proſpicere, ſed & præſentibus optimè poſſe occurrere. Teſtabitur eam animi Tui ſolertiam. Caput Capitulum Poloniæ Gneſnense, de Te ſeris diſcendum Succelloribus reliquet id elogi in ſuis annalibus; Fuiſſe Te mentem Capituli.

Reclinatâ in Te curam omniû conſenſu, conſcientiâq; de Tuis Virtutibus ſingulorum, ſic operû crexiſti decoribûs, ut diu in illis Tua duratura ſit dexteritas. Baſilicam, quâ in his partibus, nihil pulchrius & ſanctius, jam vitium accipientem provido conſilio, ubi ſperabatur labe & interitus, in robur & nitorem reduxiſti. Illi lapides opplentes jacturam, in Tux perennabunt gloriæ authoramenta, & ſe Tua providentia inſertos tamdiu fatebuntur, quamdiu illis ſua durities, ſuaq; perennitas adfuerit. Non tacebunt alij decore Nomina Tua, ſed quiſq; Tua agnoſcens auſpicia Te ſpectandum adornabit venturæ poſteriorati. Quid dicam de Magnifica Domo, Tuo ſumptu à fundamentis erecta, dicata ſuccelloribus, opportuna inter rarâ ædificia. Ædificaſti in illa nominis Tui perennitatem, crexiſti cogitationes Tuas, quibûs non tantum Tibi, ſed & poſteris voluiſti conſulere. Quot

illa nanciscetur Successores, KRASZKOVIANÆ
memoriæ obligatos suscipiet, in qua mutatis succes-
sorum Nominibûs, Tuum semper ceu hæreditarium,
non tam operis, quàm gloriæ manebit. Sic benefi-
cia solidè in Ecclesiam erigis, ut illa inædifices mar-
moribus, sic commodè ponis, ut sæculorum constet
commodis, adeò bene, ut nullus sit, qui optima Tua
consilia non adoret. Cùm nihil offenderis, nisi nu-
dam tellurem, hoc est Tuæ gloriæ arenam trium-
phalem, jecisti fundamenta, eduxisti parietes, tectò
decorasti, omnem fundum monumentò immortalì
occupasti, & in hanc formam, in qua videtur eve-
hendo ædificium illud, Nomine deniq; Tuo ceu In-
digete perpetuo honorasti. Quòd si ad beneficia
Tua obliteranda, nolueris ædificiū illud KRASZKO-
VIANVM dici, grata posteritas Te obluctante & re-
nuente (crede) impositura est. Sileri enim non de-
bet quod multorum commodis assurexit.

Injurius in rem literariam essem, si favorem &
benevolentiam beneficiaq; Tua involverem silentiò.
Aurò digna sunt famâq; vocali, quæ Tu Minervæ Ja-
gellonicæ præstitisti. Quanquam vulgabuntur illa
posteritati, & censu dotata literario recentem semper
ferent memoriam. Hoc enim est munus studiorum,
ne unquam sibi semel præstita obnubant oblivio-
ne, verùm longa serie porrecta successoribus, ad me-
tas usq; temporum, cum nominibus beneficis defe-
rant. Tuo ductu, consiliò, auspiciòq; olim in litera-
rum emporium Gnesnam inquam (antequam in Po-
lonia quidquam eruditi erat) obliterata Musarum
exercitia introduxisti. Tu Caput omnium rectè sen-
tientium, aliorum induxisti sententiâs, ut decreto
sancitoq; (ô magnas cogitationes Capituli Augu-
stissi-

stissimi) semper Academiae Cracoviensis perrenna-
rent literæ. Pia initiatorum sacris exercitia non alius
traderet, nisi quem Alma Parens destinaret, quem
submitteret, & pro gloria Nominis insudare jube-
ret. Tot Tu linguas mereberis, quot succedent eru-
ditis eruditi, literatis literati, & cultores Mecenæ-
tum cultoribus. Ego in illa Sparta trienniô desu-
dans! tam ampla affectûs Tui recepi documenta, ut
nihil antiquius habeam, quàm Tuam deprædicare in
literas humanitatem, in literatos beneficia, in doctos
æstimationem. Quid sperare de Te debeant futuri,
ego indicabo. Nec Tu beneficia hæc, quæ palam re-
deuntibus Musis demonstrasti, subtrahes crescenti-
bus, quin, veluti pignora Tua, Paterno semper nutu,
manu, oculisq; recreabis. Habe sub oculis, quid de
Te censeat eruditorum conscientia, quid deniq; omi-
netur amor. Tu nunquam ex memoria illorum eva-
nesces, recedes ab oculis; quòd si Te serò ambiverit
Cælum, præsens Musis semper Nomen Tutelare be-
neficumq; in sapientum congressibus, eruditorum
colloquijs, juvenum exercitationibus, audieris.

Ne nimium anxia Candidissimi pompa Ordinis
abrupas cursum Orationi? adhuc rara pietatis ad-
ducam exempla, antequàm inter Tuos plausus infe-
retur. Dicendumne, an silendum? quod Tu Cælo
servasti tantum. Sed quia jam ultra humana progre-
deris, illamq; speculam occupas, ex qua Sanctiorem
partem humani generis recturus es, & ad Te
quisq; obversurus est oculos & vitam, ideò appen-
dam lecturis, aut potius Te imitaturis. Tanta enim
in Te est abstinentiæ laus, ut nullam hebdomadam
absolvas, in qua unum diem non lites jejunio. Quid
ergo epulis Tuis morum populatrix luxuria super-
bis,

bis, velut pretio doctarum facultatum pararis. Mu-
tasti tempora, vertisti in gulæ encomia, non tantum
aves aeriô tutas periculô, aut quæsitæ naufragijs o-
strea, sed uniones ipsos vel inter fulgura conceptos.
Datur sæculo nostro rarius spectaculum. Videmus
inter tot curas positum, interq; affluentia situm bo-
na, proscripsisse à palato dapes, removisse procul ab
oculis mensas, docereq; mortalia in hæc profusa,
posse hominem in terris, aliquid posse supra homi-
nem. Quid enim est aliud excludere alimenta, &
desinere aliquando exercere hominem, nisi Angeli-
ca anhelare. Hic jam igitur degustas, nihil gustando,
cælestia, quamq; Tibi sapiant inde colligo, quod o-
mnia excluseris à palato. Removeo jam mensas, ab
illisq; totum me in plausum inq; acclamationes
obverto.

Ascende Honoris Tui Curulem, ad quam per
tot ivisti exercitamenta, ascende eo passu, ut altiori-
bûs insistas, ascende eô votô nostrô, ut Tibi amplio-
ra gratulemur. Intulisti tot gloriæ monumenta ho-
nori, tot virtutum phalanges dignitati, ut capi non
videaris, sed capere, possedi, sed possidere, haberi sed
habere. Flecte oculos, hic Te genus amplissimum,
hic gesti honores, Nobiles curæ, sprete dignitas, hic
Conlus cum Minerva, hic pietas cum dexteritate
ambiunt. Crede nulla pompa pulchrior est, quam
his comitibûs absoluta, nullus ingressus magnificus,
quæ hic Ordo non augeat. Prodeant alij aurô onusti,
comitatu ex populorû idiomatibus cõfuso, inq; pom-
pam non Regna, sed Orbem inferant, parum erit si
nulla virtutum phalanx tot hominû miscebitur opi-
bus. Ad sanctiores Tu titulos destinatus, ea infers de-
cora, quæ augeant honoris sanctissimi Ornamenta.

Illum

Illum candorem virtutum Tuarum; usurpat sibi Religionis integerrimæ innocentia, illa consilia; dignitatis Tuæ amplitudo, sapientiam; Regimen summū & maximum, illa observata abstinentiæ studia; religiosa parcitas & modestia. O utinam tales ingressus videremus omnes! procul abesset à latere ingredientium ambitio, à cælo injuria, à Comitatu avaritia, non sciret deniq; Orbis, sceleribûs in sacratio-
ra culmina penetrari. Auget præterea pompam Tuam ABBAS Illustrissime amænitas omnium, si respicias Majorum Tuorum imagines, vel pallidûs jam vultibûs innuunt lætitiâ, si Amplissimæ Religionis vota hætenûs detenta, eò ferventiûs Te excipiûnt, quò longioribûs moris illa detinuisti. Quidni non gaudeant Parentis adventu, Protectoris auspiciò, PRÆLATI sui Majestates; vides quàm cuncta altò ferveant tripudiò; opleta itinera, occupatæ viæ, Temppla exornata, aræ venustiores, ipsum Cælum benignius & amænus Te videntur prospectare, prospectando amare, amando desiderare. Potes eam Tibi in futurum formare conjecturam ex omnium animis: nullum certius esse ad fausta regimina auspiciû, quàm cunctorum combinati in eundem plausum animi. Ad-
dis & Tu fidus honorum lucem ingressui huic & omina Illustrissime & Reverendissime Domine CASIMIRE BRZECHFFA ABBAS Trzemefensis, totq; immisces radios, quot magnis virtutibûs, ingentibûs meritîs accendisti. Rarum est tantis beari plausus triumphis, in quibus plus est decoris à virtute, quàm ab extraneo cultu, plus frequentiz à numerosa gestorum manu, quàm ab inani populorû turba. Gestis tenerrimò gaudiò, quòd hunc ad honoris deducis Culmina, qui sanguinis gradu proxi-
F2 mus,


mus, non solum suæ virtuti laboravit, verum & Tuæ gloriæ,
ut ex una Domo maximi summiq; Patres numeremini. Auges e-
tiam Sidus amplissimum Illustrissime & Reverendissime JOANNES
THEOPHILE GRZEMBSKI Præposite Infulate Strzelnenfis, Plo-
censis, Lanciciensis, Provisi Apostolice, Bodzanoviensis Commis-
sarie, Sacri Ordinis Præmonstratensis, Canonorum Regulariū
per Poloniam & Livoniam in Spiritualibus Vicarie Generalis &c.
tiarata luce domesticæ pompam gloriæ, qui vel Tuæ Infulæ ma-
jestate olim dignum censuisti, antequam Tua judicia Cælum,
confirmaret. Tenet nunc quod Tu vovisti, eminet illā Infulā,
quam Tu imponere desiderasti. O Tua arbitria, quàm Cæ-
lo consona fuerant? ô factorum explorata consilia. Tu ini-
tiare Caput illud tiaratis honoribûs voluisti, quod Cælum Nu-
menq; destinabat ad Infulas. Habe jam consiliorum Tuorum,
solatia, cum ea jam videas, quæ non sine Numine in Caput istud
reponebas.

At Tu Illustrissime ABBAS Vitoviensis Tuâ undiq; cinctus
gloriâ, non absq; gaudio spectas gestientium tot Nominum fer-
vorem & vota, tot populorum lætitiā, tot Religiosæ demissio-
nis amplexus & obsequia. Crede, sic merebantur Tuæ virtutes,
sic merita, sic deniq; omnium de Te conscientia, singulorum de-
sideria. Tu amplissimo Præmonstratensium Ordini decus adicies,
Norberto gloriam, Tibi immortalitatem, nec jam Hispanias, Ro-
mam, Germaniam adeò se gaudebit implere, quam quod Gen-
tilitiæ Tuæ FASCIAE orbitam impleverit. Orbem enim videtur te-
nere, qui intra Tæniæ hujus steterit ambitum. Tanta est amplitu-
do parta virtutibûs, dilatata meritis, ampliata honoribus! Vos
Superi Indigetesq; Candidissimæ Religionis, quod bonum vobis
impetrastis, foveat diu terris, servate ingens gloriæ depositum ho-
noribus. Ille emensis titulorum Olimpijs, augeat beneficia Vestra,
& quas vos Infulas signastis, majoribûs accumulet, ut illius
merita, & vestra initia, decumano honorum inædi-
ficata ornamento, sic assurgant, ut Orbis deniq;
Magnum suspiciat; quem vos cum Avita
FASCIA conspexistis Amplissimum.



Exm. 6.

d
 s
 s,
 s,
 o-
 n-
 e-
 u-
 os
 bis
 o-
 a,



stdr0025233

